

Item licet dicti domini credant, de iure quod cognicio in isto casu spectat ad concilium, videlicet deponere papam nutritorem scismatis antiquati et per consequens lapsum in heresim, tamen, quia de hoc sunt opiniones doctorum ita, ut non stetur in opinionibus, elegerunt sibi tuciorum partem scilicet concilii generalis, quod secundum omnes indubitanter in causa fidei, prout ista est, debet iudicare papam.

Item intendunt domini utriusque collegii per dei gratiam iam uniti ad dictum concilium citare et convocare legitime ambos de papatu contententes, ut veniant implaturi eorum promissa iuramenta et vota. qui si venerint, stabunt determinacioni concilii: altero vero veniente et implere volente alter, qui erit contumax, secundum sententiam concilii eicietur. ambobus autem non venientibus etiam concilium procedet sicut iustum fuerit secundum canonicas sanctiones, adeo quod unio sequetur in ecclesia dei.

Item fecerunt domini de nostro collegio per tres notabiles cives Venetos amicos Gregorii eundem requiri amicaliter, quod si vult unionem effectuare sicut se velle predicat (cum etiam sub hac condicione acceptavit papatum, scilicet ut daret pacem ecclesie, dictus Gregorius), teneret aliquem ex modis premissis.

Quia ipse publicavit, postquam scivit nos velle convocare concilium, unam suam intimacionem, per quam declarat se velle concilium generale tenere, quod ista sua intimacio non sit ad dandum pacem ecclesie sed ad nutriendum scisma, cum ad sui convocacionem non venient aliqui de obediencia partis alterius et una pars sine alia non potest unire ecclesiam.

Item quia antipapa etiam facit fraudulentem aliam convocacionem in occidente, ut ipse suam in oriente, per quas quilibet conatur stare in sua tyrannide, quod dignetur dictam convocacionem non proseguere, cum non sit nisi ad impedimentum unionis.

Et ideo primus modus fuit, super quo requireretur, quod idem dominus Gregorius veniat ad convocacionem nostram, quam statim simul ab utraque parte† vel (honorificemus facere, veniens autem honorifice etc

l. 4. ita: 10 (ideo) *cod.* l. 15. non venientibus: venientibus non *cod.* l. 19. fuerunt *cod.* l. 24. premissis *hier so viel wie propositis.* l. 27. quod: quod cum *cod.* l. 33 ut: et *cod.* l. 39. *offenbare Textverderbnis, es scheint etwas ausgefallen zu sein. Dem Sinne würde etwa genügen* ad convocacionem nostram. quam statim simul ab utraque parte vel (honorificemus facere, veniens autem honorifice etc